

## Topaic 13: Orduithe

### Feidhmeanna

San aonad seo foghlaimoidh an rang conas:

- |      |                                    |
|------|------------------------------------|
| 13.1 | ~ orduithe a thabhairt do pháistí  |
| 13.2 | ~ orduithe ginearálta a thabhairt  |
| 13.3 | ~ orduithe a thabhairt sa teach    |
| 13.4 | ~ foláireamh a thabhairt do dhuine |

### An ghramadach

San aonad seo foghlaimoidh an rang:

- |  |
|--|
| <ul style="list-style-type: none"><li>An Modh Ordaitheach, uatha agus iolra, dearfach agus diúltach: <i>cas, téigh, lean, imigh, casaigí, téigi, leanaigí, imigí, ná cas, ná téigh, ná lean, ná himigh...</i></li><li>An Aidiacht shealbhach: <b>nígí bhur n-aghaidh, d'aghaidh, bhur n-aghaidh...</b></li></ul> |
|--|

### Stór focal:

San aonad seo foghlaimoidh an rang:

Orduithe: <i>bí, déan, imigh, ith, ól, nigh, glan, téigh, tar, suigh, fan, dún/druid, oscail, múch, tabhair, cuir, faigh, coimhéd, seachain</i>
---

### Beidh an foghlaimoír in ann...

Labhairt	Orduithe simplí a thabhairt do dhaoine fásta agus do pháistí. Orduithe simplí a thabhairt sa teach. Foláireamh a thabhairt do dhuine.
Cluastuisicint	Orduithe simplí agus foláireamh a thuisicint.
Léamhthuisicint	Orduithe a bhíonn le feiceáil go coitianta a thuisicint. Mar shampla: <i>Ciúnas! Seachain do cheann!</i> agus araile.

### 13.1 Ag tabhairt orduithe do pháistí

(A) Múin don rang conas ordú a thabhairt do dhuine amháin. Míinigh dóibh gur le páistí is mó a bhaintear úsáid as cuid de na horduithe seo

- Léirigh agus míinigh na rudaí seo a leanas:

*Seas suas. Suigh síos.*  
*Fan i do sheasamh. Fan i do shuí.*

- Abair le daoine aonair sa rang seasamh suas nó suí síos, mar shampla:

*A Chiaráin, seas suas. Anois suigh síos.*

*A Chaitríona, seas suas. Fan i do sheasamh.  
A Chiaráin, fan i do shuí.  
A Chaitríona, suigh síos.*

- Déan cleachtadh ar an méid sin le daoine eile sa rang go dtí go bhfuil tuiscint mhaith ag an rang ar na horduithe sin.
- Ansin múin don rang conas orduithe a thabhairt do bheirt nó níos mó:

*A Chiaráin agus a Chaitríona, seasaigí suas.  
Fanaigí in bhur seasamh ar feadh deich soicind.  
Anois, suigí síos.*

- Cleachtaigh le beirteanna eile sa rang.
- Ansin cleachtaigh leis an rang ar fad le chéile.



### **Gníomhaíocht 13.1(A): Simple Simon Says: Cluastuiscint Réamhullmhúchán:**

- Míniú orduithe eile trí mheán na geáitsíochta:

*Bí/Bígí ciúin. (Corrmhéar ar bheola)  
Oscail/Osclaigí an leabhar.  
Dún/Dúnaigí an leabhar.  
Féach/Féachaigí orm. (Lámh ós cionn malaí na súile amhail mairnéalaigh ag breathnú ar íor na spéire.)  
Éist/Éistigí liom. (Lámh taobh thiar den chluas.)  
Bí/Bígí ag caint. (Méara ag bogadh suas síos ar an ordóg ar nós béil ag cabaireacht.)  
Cuir/Cuirigí suas bhur lámha. (Lámh san aer.)  
Nigh/Nígí bhur lámha. (Lámha a fháisceadh le chéile amhail duine ag ní lámh.)  
Glan/Glanaigí an bord. (Lámh amach uait ag cuimilt amhail duine ag cuimilt boird.)  
Cas/casaigí timpeall.  
Téigh/Téigí a chodladh. (Súile a dhúnadh agus cloigeann a chur ar lámha ceangailte.)  
Ith/Ithigí suas go beo. (Ag ligint ort go bhfuil tú ag cogaint.)*

- Déan na geáitsí do na horduithe uilig a chleachtadh leis an rang.

### **Gníomhaíocht:**

- Tá an cluiche seo beagáinín ar nós *Simple Simon Says*.
- Iarr ar an rang éisteacht leat ag tabhairt orduithe dóibh.
- Míniú don rang os rud é go bhfuil tú ag labhairt le grúpa daoine gur cheart duit an fhoirm iolra den ordú a úsáid i gcónaí.
- Nuair a chloiseann siad ordú san iolra déanann siad an gheáitsíocht chuí.

- Má thugann tú ordú san uatha níor cheart dóibh an t-ordú a leanúint: mar shampla, 'Seas suas'.
- Aon duine a leanann an t-ordú san uatha díbrítear iad as an gcluiche!
- An duine deireanach fágtha ina s(h)easamh buaiteoir an chluiche.
- Tosaíonn tú an cluiche le 'Seasaigi suas' agus leanann tú ar aghaidh ag meascadh an oird ina dtugann tú na horduithe.
- Éinne atá rómhall ag déanamh an gheáitse chuí, díbrítear iad as an gcluiche agus fanann siad ina suí don chuid eile de na horduithe.
- Nuair atá greim ag an rang ar a bhfuil i gceist, is féidir ansin iarraidh ar dhuine muiníneach sa rang na horduithe a thabhairt do bhabhta eile den chluiche más cuí.



### **Gníomhaíocht 13.1(B): Máthair agus páiste: Cluastuiscint/Léamhthuiscint**

- Bíodh cóip de **Bhileog 13.1(B): Máthair agus páiste** déanta agat do gach duine sa rang.
- Tabhair am dóibh an liosta orduithe ar an mbileog a léamh.
- Iarr orthu ansin éisteacht le Clíona ag labhairt lena hiníon, Sadhbh.
- Caithfidh na foghlaimeoirí tic a chur in aice leis na horduithe a chloiseann siad.
- Ceartaigh an gníomhaíocht nuair a bheidh an rang réidh.



### **Gníomhaíocht 13.1(C): Athair agus páiste: Agallamh réamhdhéanta**

- Bíodh cóip de **Bhileog 13.1(C): Athair agus páiste** déanta agat do gach duine sa rang.
- Léigh tríd an agallamh réamhdhéanta leis an rang agus mínigh aon rud nua.
- Ansin roinn an rang i mbeirteanna, A agus B, agus tabhair ról an athar do A agus ról an pháiste do B.
- Ba cheart dóibh an t-agallamh a chleachtadh le chéile uair amháin.
- Ansin ba cheart dóibh ról a mhalartú.
- Má tá tuilleadh cleachtaidh ag teastáil, bogadh Lucht A deiseal chun cleachtadh leis an chéad B eile.



### **Gníomhaíocht 13.1(D): Foghraíocht: 'í' v. 'i'**

#### **Réamhullmhúchán:**

- Cuir cóip de **Bhileog 13.1(D): Foghraíocht** ar an osteilgeoir nó tabhair cóip do gach duine sa rang.

#### **Gníomhaíocht:**

- Abair leis an rang éisteacht leatsa nó leis an nguth ar an DD (**CUID A**) ag rá liosta na bhfocal seo a leanas a bhfuil an fhuaim (litir) ‘i’ iontu uilig:

*íth, í Meiriceá, bíth, cíth, pictiúr, bricfeasta, mílseog, bílle, bíseach, dinnéar*

- Abair leo na focail a rá i do dhiaidh anois agus an liosta a léamh ag an am céanna.
- Ansin abair leo éisteacht leis na horduithe seo a leanas (**CUID B** ar an DD) agus an liosta a léamh ag an am céanna:

*Suigh – suígí*

*Nigh – nígí*

*Luigh – luígí*

- Tá fuaim an ‘i’ difriúil sna focail seo mar tá fada ar an nguta (‘í’) ag deireadh na bhfocal agus tá ‘igh’ i gceist chomh maith. I roinnt canúintí is ionann ‘igh’ agus ‘í’.
- Anois abair leo éisteacht leis na focail seo a leanas (**CUID C** ar an DD):

*Bí – bígí,*

*éirigh – éirígí,*

*tosaigh – tosaígí,*

*críochnaigh – críochnaígí*

- Fuaimnítear an défhoghar ‘ia’ mar ‘í-a’. Anois abair leo éisteacht leis na focail seo a leanas (**CUID D** ar an DD):

*pian, Brian, Cian, grian*

- Cleachtaigh na focail ar fad sa ghníomhaíocht seo uair amháin eile (leis an rang ag déanamh aithrise ort).

## 13.2 Orduithe ginearálta a thabhairt

- (A) Téigh siar ar na briathra seo a leanas leis an rang:

*tosaigh, stop, oscail, dún, cuir, fág, faigh, scríobh*

(Féach **Topaic 6: An Saol Laethúil** agus **Topaic 8: Cúrsaí Oibre**)



### Gníomhaíocht 13.2(A): Orduithe don rang

- Iarr ar an rang déanamh de réir mar a ordáíonn tú dóibh a dhéanamh:

*Osclaigí bhur leabhair nótaí.*

*Faighigí pinn.*

*Tosaigí ag scríobh.*

*Stopaigí ag scríobh.*

*Fágaigí bhur bpinn ar an mbord.*

*Dúnaigí na leabhair nótaí.*

*Cuirigí na leabhair nótaí ar ais i bhur málaí.*

- Roghnaigh duine sa rang leis na horduithe a thabhairt don rang.
- Roghnaigh duine sa rang agus abair leo na horduithe a thabhairt do dhuine aonair sa rang, mar shampla:

*A Shíofra, oscail do leabhar nótaí, agus araile.*

- Déan cleachtadh ar na horduithe le cúpla mac léinn eile.



### **Gníomhaíocht 13.2(B): Orduithe ginearálta eile: Obair bheirte**

#### **Réamhullmhúchán:**

- Múin na horduithe seo a leanas don rang:

*Tar anseo.*

*Tar isteach.*

*Fan nóiméad.*

*Imigh leat.*

*Déan deifir./Brostaigh ort.*

#### **Gníomhaíocht:**

- Roinn an rang i mbeirteanna, A agus B.
- Cuir gach beirt ina seasamh os comhair a chéile.
- Abair le A orduithe a thabhairt do B.
- Ba cheart do B an gníomh atá i gceist a dhéanamh nó ligean air/uirthi féin go bhfuil an gníomh á dhéanamh aige/aici.
- Iarr orthu róil a mhalartú tar éis tamaill.

## **13.3 Ag tabhairt orduithe sa teach**

(A) Múin roinnt orduithe don rang a bhaineann leis an teach:

*Oscail an doras/an fhuinneog/an cófra.*

*Dún an doras/an fhuinneog/an cófra.*

*Cuir an solas ar siúl.*

*Múch an solas.  
Téigh isteach sa chistin.  
Téigh suas/síos staighre.  
Fág an solas ar siúl.*

- Cleachtaigh na horduithe go dtí go bhfuil an rang compordach, muiníneach leo.



### **Gníomhaíocht 13.3(A): Séamus as baile: Cluastuiscint/Léamhthuiscint**

- Bíodh cóip de **Bhileog 13.3(A): Séamus as baile: Cluastuiscint/Léamhthuiscint** déanta agat do gach duine sa rang.
- Míniú don rang go bhfuil Séamus ag dul as baile ar feadh cúpla lá.
- Tá a chara Terry chun aire a thabhairt don mhadra dó.
- Tá Séamus ag cur glaoch ar Terry chun treoracha a thabhairt dó, níl Terry istigh agus fágann Séamus na treoracha ar an ngléas freagartha.
- Caithfidh an rang éisteacht le Séamus agus uimhir a chur leis na horduithe de réir mar a chloiseann siad iad.
- Ceartaigh an gníomhaíocht nuair a bheidh an rang réidh.



### **Gníomhaíocht 13.3(B): Séamus as baile arís!: Scríbhneoireacht**

- Bíodh cóip de **Bhileog 13.3(B): Séamus as baile arís!** déanta agat do gach duine sa rang.
- Abair leo an t-ordú ceart a scríobh in aice le gach ceann de na pictiúir ar an mbileog.
- Ceartaigh an gníomhaíocht nuair a bheidh an rang réidh.

## **13.4 Ag tabhairt foláirimh do dhuine**

(A) Múin cúpla foláireamh don rang:

*Seachain an tine!  
Coimheád, tá carr ag teacht!  
Bí cúramach, tá an bus ag teacht!  
Seachain do chloigeann!*



#### **Gníomhaíocht 13.4(A): Fógraí coitianta: Léamhthuisct**

- Bíodh cóip de **Bhileog 13.4(A): Fógraí coitianta** déanta agat le húsáid ar an osteilgeoir.
- Abair leis an rang breathnú ar na fógraí.
- Míneigh don rang a bhfuil i gceist leis na fógraí coitianta seo.



#### **Gníomhaíocht 13.4(B): Súil siar: Léamhthuisct**

- Bíodh cóip de **Bhileog 13.4(B): Súil siar** déanta agat le húsáid ar an osteilgeoir/déan cóip do gach duine sa rang.
- Caithfidh an rang an pictiúr ceart a chur leis an ordú cuí.
- Is féidir an gníomhaíocht seo a dhéanamh mar ghníomhaíocht ranga, ag baint úsáide as an osteilgeoir, nó mar ghníomhaíocht aonair (ar pháipéar).
- Ceartaigh an ghníomhaíocht nuair a bheidh an rang réidh.



#### **Gníomhaíocht 13.4(C): Príomhchócaire agus fo-chócaire sa chistin: Cleachtadh cainte**

- Bíodh cóip de **Bhileog 13.4(C): Príomhchócaire agus fo-chócaire sa chistin** déanta agat do gach duine sa rang.
- Roinn an rang i mbeirteanna, A agus B, chun na hagallaimh réamhdhéanta seo a leanas a chleachtadh. Tabhair Ról A, an príomhchócaire do dhuine amháin agus Ról B an fo-chócaire don duine eile.
- Nuair a bheidh cleachtadh amháin déanta acu, bogadh lucht A deiseal chuig an chéad B eile agus cleachtaídis sna róil céanna go dtí go bhfuil siad compordach, muiníneach sna róil sin.
- Ansin, abair leo róil a mhalartú.